

زنده کیدون دوباره دشتای سیلاب دریای مری



VICTORIAN MURRAY FLOODPLAIN
RESTORATION PROJECT
HEALTHY LANDSCAPES, STRONG COMMUNITIES



درختای سرخ ساجقی دریایی ویکتوریا تانا د سیلاب فصلی زنده مومنان

پروژه دوباره سازی دشتای سیلاب دریای مری ویکتوریا (VMFRP) نیاز مندی آوو خو د نه نقطه بالایی سیلاب د گیرد دریای مری ره میگره. به غیر ازی آوو، منظره نمادین از بین موره - بشمول خیلی از درختای بومی، حیوانات بومی و سبزی که بستگی د امی آوو دیره.

دوباره سازی دشتای سیلاب


دشتای سیلاب که د پالوی دریای مری استه تغیر کیده که به صورت فصلی آوو بیگره. معمولاً، دریای آوو شی د دشتهای سیلاب سر ریزی مونه که حدوداً ازین 10 سال 8 سال شی آوو سر ریزی مونه، که باعث تقویت، سرسبزی و منظره پور از زنده گی موشه.

مثل که دهات، شار، زمین داری و صنعت از مو د مدت زمان رشد کیده، طریق که دریای پور موشه هم تغیر کیده تا با استفاده از سر ریزی و آوو بند مطابق نیاز مندی از مو باشه.

د حالیکه ای بلدی مناطق دهات نشین و اقتصاد شی فابده دشته، آوو به صورت طبیعی که ازی پیش سر ریزی موکد دیگه نمونه، و دریای مری دیگه ای دشتای سیلاب ره آوو یاری نمونه مثل گذشته که اونا ره سالم نیگا کنه.

پروژه VMFRP بندای که رای سر ریزی آوو سیلاب ره میگره که داخل دریاچه موره و زیر ساخت مثل تنظیم کننده، چینل و بانک های مهار جور مونه که دشتای سیلاب ره آوو بیدیه و د اونجی آوو ره بلدی دیر تر نیگا کنه.

ای آوو زنده گی نو جور مونه و کمک مونه که نه (9) دشتای سیلاب که از نیگای محیط زیستی مهم استه ره زنده نیگا کنه و د آینده قد وضعیت مثل خشک آوو عادت کنه، تا نسلای بعدی لذت بوبره.



فاز گرو سفید (White-necked Heron)

فامیدون که کی آوو ره اضافه کنی


ای پروژه باز سازی کمک مونه که یک رویه نسبتاً طبیعی بلدی آوو یاری د نه (9) دشتهای سیلاب جور کنی. مو زیر دید دیره که معمولاً چقدر دیر باد سیلاب موشه و آوو ره د سالای که محیط نیاز دیره که 'آوو اضافه بیگره' بلدی ازیکه سالم بومنه. مو آوو ره هر سال رای میونی تانا د صورتیکه که دشتای سیلاب آوو ره نیاز دیشه باشه.

پیلان آوو یاری د بستگی د هر بخش دیره؛ هر سال و هر آوو یاری بستگی دیره د چیزای مثل وضعیت دشتای سیلاب، دسترسی د و آوو، آوو دریا و وقت که آخری سیلاب یا آوو یاری شده.

امیرقم پروژه ازی پیش موفقانه زیر پروژه زنده بودون دریای مری (The Living Murray) اجرا شده. بلدی مالومات غدرتر د ای بخش د ویسایت www.mdba.gov.au بورین.

اجرا کیدون پروژه

مو چند دیر موشه که د سر ازی پروژه کارمونی، پلان گذاری مونی که زیر ساخت که موجور مونی سالم بودو دشتای سیلاب ره بهتر مونه. بلدی ازیکه پیش بوری، پروژه د مرحلای مختلف اجرا موشه. پروسه تنظیم کننده شامل موشه د پلان گذاری و مشوره بلدی ازیکه تایید بیگری و بودیجه بلدی پیش بودون پروژه بیگری. مو اراده دیره که ساخت ره د سال 2023 شروع کنی و قد کمیونتی محلی کار مونی که دخالت ره کمتر کنی.



شمو توره خو بوگین

پروژه یک مرحله دوامدار مشورتی ره قد کمیونتی، صائبای بومی و دیگه سهامدارا دیره پیش ازیکه تاییدی بیگره که پیش بوره. اگه شمو کدم سوال د باره هر کدم ازی پروژه دیرین یا میخوایین د جلسات مشورتی کمیونتی سهم بیگرین، بلدی ازی مو د اینجی info@vmfrp.vic.gov.au ایمیل کنین.

February 2021

vmfrp.com.au

دشتای سیلات پوز از زنده گی استه

اینی باضی از حیوانات استه که از پروژه دوباره سازی دشتای سیلاب فایده مونه.



Pelicans



Gould's Wattled Bat



Murray Cod



Growling Grass Frog



Regent Parrot



Carpet Python



Wild flowers at Wallpolla



Gilles Planigale



مثال زیر ساخت



تنظیم کنندا موره کمک مونه که آوو ره دشتای سیلاب بوبری و د اونجی نیکا کنی پیش ازیکه الت تنظیم ره واز کنی و آوو ره د دریا بوبری. تنظیم کنندا جای بلدی مایی جور مونه که مایی محلی ره د ای سفر کمک کنه.

مو زیر ساخت که رای آوو ره بلدی دشتای سیلاب میگره ره خلاص مونی، مثلا امی پایپ ریزه که رای دریاچه ره د نای پارک میگره.



دشتای سیلاب سالم خوبه بلدی:

مردم محلی و کسایکه از منطقه بازدید مونه

دشتای سیلاب سالم جایای قشنگ بلدی دیدو استه و جایای سرگرمی خوب مثل قایق رانی، ماهی گیری و کمپنگ استه.

صائبای بومی

صائبای بومی رابطه فرهنگی، معنوی و اقتصادی قد زیمیی، آوو و منابع از طریق رابطه خو قد کشوره تنیسته که دوامدار بودو زیمی و آوو ره بلدی نسل ها اداره کنه.

حیوانات وحشی محلی

خیلی از حیوانات وابسته به دشتای سیلاب بلدی غذا، زنده گی و تخم گذاری استن، از حشرات میکروکوپیی گرفته تا قوقری، ماهی، مورغاک، شاپرک و دیگه حیوانات.

زنده گی گیایی

سیلات زنده گی گیایی ره دوباره زنده مونه، محیط بلدی زنده گی جور مونه، جستجوی غذا بلدی زنده جانای دشتای سیلاب استه.

باضی از حشرات مثل درختای سرخ ساجقی و درختای بکس سیاه وابسته د سیلاب کیتته استن که هر ده سال باد موشود. حیوانات مثل شاپرک و دیگه مورغوکو د شاخه ازی درختا لانه سازی مونن.

اقتصاد محلی

پروژه سرمایه گذاری مهم ره د منطقه میره، کارای نو جور مونه و اقتصاد محل ره کمک مونه.